



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

XXVIII. Der Domprobst Johann und das Capitel zu Brandenburg genehmigen die Bedingungen, unter denen das Kloster Spadow einen Vicar für die Pfarrer zu Bornim anstellt, am 16. Mai 1314.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

XXVII. Markgraf Woldemar bestätigt dem Kloster Spandow eine demselben von
Pezke von Loffow geschenkte Hebung an Heering aus dem Zolle zu Cüstrin,
am 5. Dezember 1309.

In nomine sancte et individue trinitatis, Amen. Woldemarus, dei gracia Brandenburgensis, Lufacie et de Landesbergh Marchio tutorque illustris Johannis Marchionis Brandenburgensis, Omnibus presencium auditoris continenciam seu visuris noticiam subscriptorum. Cum teneamur ex debito religiosos quosque ad serviendum domino quatenus in nobis est promovere, notum facimus presentibus tam presentibus quam futuris, quod miles noster strenuus et honestus Pyzke de Loffow ecclesie Sanctimonialium in Spandow pure propter deum et ad salutem animarum sue videlicet et progenitorum suorum dedit et assignavit terciam partem vnius summe allecis, que vulgariter Last dicitur, in theoloneo Custryn annis singulis attollendam. Nos quoque cupientes dicte elemosine fieri paticipes, eiusdem Pyzkonis precibus inclinati, ad laudem eiusdem dei omnipotentis eiusque sancte genetricis et virginis marie, ad salutem quoque animarum nostre et progenitorum nostrorum ac successorum, proprietatem dicte tercie partis Last, eidem ecclesie dedimus et damus presentibus iusto proprietatis titulo perpetuo possidendam. In cujus rei evidenciam sigillum nostrum presentibus est appensum. Testes quoque huius sunt, nobiles viri Burchardus et Vlricus comites de Lyndow, Bernardus de plozk, Henningus de Blankenborch et henningus de Benz et plures alii fide dignis. Actum et datum Lieuenwolde anno M^o. CCC^o. nono. Vigilia beati Nicolai Episcopi et confessoris.

Nach dem Original des Geh. Staats-Archives.

XXVIII. Der Domprobst Johann und das Capitel zu Brandenburg genehmigen die Bedingungen,
unter denen das Kloster Spandow einen Vicar für die Pfarre zu Bornim anstellt,
am 16. Mai 1314.

Nos Johannes, dei gracia Brandeburgensis Ecclesie Prepositus Totumque Capitulum eiusdem Recognoscimus, quemadmodum vidimus in litteris venerabilis patris domini nostri friderici Episcopi Ecclesie nostre predictae, protestari publice per presentes et ad omnium, quorum interest vel interesse poterit noticiam volumus pervenire, Quod nos ad presentationem dilectorum nobis in cristo Alberti prepositi, Gertrudis priorisse Totiusque conventus Sanctimonialium in Spandow ac de communi consensu ipsorum Johannem de Sarnow instituimus perpetuum vicarium in Ecclesia in villa Bornem, que ad mensam conventus predicti dinoscitur pertinere, assignato eidem, sicut iuris est, tantum de eiusdem Ecclesie proventibus, ut congruam habere valeat sustentacionem, procuraciones et Episcopalia iura persolvere et alia honora eidem Ecclesie incumbentia supportare, Nichilominus tamen conventui memorato duodecim talentis communis monete Brand. de predictis ecclesie in Bornem proventibus reservatis et annis singulis, quibus predictus dominus Johannes dictam possederit Ecclesiam in quatuor anni terminis persolvendis,

ita quod in festo Natiuitatis domini tria talenta, in festo pasche totidem, in festo sancti Johannis Baptistae totidem et in festo Beati Michaelis totidem perfoluantur, Protestamur etiam per presentes omnia prefati Johannis sacerdotis bona, que ad predictam tulit et vexit ecclesiam, illis dumtaxat bonis exceptis, quibus ob honorem dei suorumque peccaminum remissionem dotem eiusdem edificauit et emendauit, cum fuerit sua hereditas paterna et omnia post modum per laboricium suum et prouidenciam conquirenda sub sua esse libera potestate et nisi secundum sancti spiritus fluxum aliquid ex eis ipsis vel aliis erogauerit propter deum, ad heredes et amicos suos esse iure hereditario deuoluenta. Volumus eciam, quod predicta ecclesia in Bornem non sit ad maiorem summam sed ad triginta frusta, sicut fuit ab antiquis temporibus registrata, ut eo commodius et decentius premissa honora valeat supportare. In cuius rei euidentiam et testimonium nostrum sigillum cum sigillo nostri capituli presentibus duximus apponendum. Actum et datum Brandenburg, anno domini M^o. CCC^o. XIII^o. in die ascensionis domini.

Nach dem Originale des Geh. Staats-Archives.

XXIX. Markgraf Johann befreiet zum Seelenheil seiner Eltern 9 Hufen Landes in Beyerßdorf, welche Heino und Lorenz Große dem Kloster Spandow verkauft, von allen öffentlichen Abgaben, am 10. Februar 1317.

In nomine sancte et indiuidue trinitatis Amen. Johannes, dei gracia Brandenburgensis et Lusacie Marchio, omnibus christi fidelibus presencium auditoris continenciam seu uisuris, salutem et perpetuam noticiam subscriptorum. Sincerus ille deuocionis affectus, quem pre aliis religiosis ad deuotas in christo sanctimoniales in Spandowe specialiter gerimus, nos allicit et compellit, ut cristum in ipsis et eas in cristo se loco et tempore offerente, singulariter honoremus. Et ecce proprietatem nouem mansorum cum dimidio in villa Beygerstorp sitorum, quos agros erga heynonem et laurencium, fratres, dictos magnos, honorabilis vir dominus iohannes prepositus et dicte sanctimoniales suis denariis comparauerunt, Quibus et altare corporis cristi in choro monasterii ad sinistram positum dotauerunt, ab omni onere precarie, contribucionis, exactionis, vexationis, cuiuscunque nominis censeatur, et ab omni seruicio carruum et alio communi ac priuato exenimus et eximimus per presentes, nichil iuris in eis nobis vel nostris successoribus referuantes. Sed dicti nouem mansi cum dimidio ad dictum altare corporis cristi iusto proprietatis titulo libere perpetuo permanebunt. Dicti quoque dominus iohannes prepositus et eius successores, qui pro tempore fuerint, et sanctimoniales memoriam progenitorum et successorum nostrorum et precipue nostri et magnifici principis Domini Hermanni, patris nostri clare memorie, et domine Anne, inclite matris nostre, agent cottidie in uita pariter et in morte. Testes huius sunt: Nobilis vir Dominus henricus comes de luchow, Hinricus de Aluensleue, Slotheco noster dapifer, Zabellus eius frater, Buffo Gruwelhutd, cristanus de Gerhardstorp, Hinricus Scenko de Schenkendorp, Henningus de vorlandt et Buffo de Mylow milites, Dominus iohannes plebanus in gorlyz et eghardus de Bardeleue cum pluribus aliis fide dignis. Datum Spandowe, sub sigillo nostro publico. Anno domini M^o. CCC^o. septimo decimo, Die beate Scolastice Virginis.

Nach dem Originale des Geh. Staats-Archives.